

DISPUTATIO PHYSIOLOGICA,
INAUGURALIS,

CIRCA

Novi Genituram Animalis.

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

SAMUEL LATHAM MITCHILL,

DE CIVITATE NOVO-EBORACO.

SOCIETAT. CHEMICÆ SOC. EXTRAORD.

AMERIC. PH. PRÆSES ANNUUS,

NATUR. STUD. ET REG. MED. SODALIS, ETC.

Sed quia praecipiti pereunt mortalia fato,

Idcirco sobolis generandae innata libido,

Casuras rerum species a morte redemit. KYNALOCH.

In its true light, let clearest reason see

The Man dragg'd out TO ACT, and forc'd TO BE.

PRIOR.

Pridie Iduum Septembris, H. L. Q. S.

EDINBURGI:

Apud BALFOUR et SMELLIE,

Academiae Typographos.

M,DCC,LXXXVI.

C

VIRIS EXIMIIS,

SAMUELI BARD, M.D.

PHYSICES IN ACADEMIA EBORACENSI

PROFESSORI, &c. &c.

EUERGETÆ AUCTORIS PROPENSO,

SIBI, SUIS, ET REIPUBLICÆ,

UTILI ;

IOANNI WALKER, D.D.F.R.S.E. &c.

HIST. NATUR. IN UNIVERS. EDINENSI,

ERUDITE, SAPIENTER, ET NITIDE,

DOCENTI ;

NON MINUS PIETATE,

QUAM

COMITATE JUCUNDISSIMA,

INSIGNITO ;

ATQUE

L I N D L E Y M U R R A Y,

A R M I G E R O,

JURISPERITO,

QUI,

PRÆTER CÆTERAS VIRTUTES,

ANIMI BENEVOLENTIAM,

ET


PRÆSTANTIAM CORDIS,

EMINENTER POSSIDET ;

HOC TENTAMEN ACADEMICUM,

SUMMÆ OBSERVANTIÆ TESTIMONIUM,

OFFERTUR.



Nous naissons, pour ainsi dire, en deux fois ; l'une pour
exister, et l'autre pour vivre ; l'une pour l'espece, et l'autre
pour le sexe.

J. J. ROUSSEAU.

To D. Jeffrey, from
his Friend & fellow
Candidate
James Mitchell.

Elenchus rerum praecipuarum, de quibus in
hac Disputatione agitur.

Tractatus declaratio	-	-	-	pag.	1
Theoriae variae de Genitura		-	-		2
Causa appetitus venerei	-	-	-		3
Matres continent ova	-	-	-		4
Opiniones Buffoni et Leeuwenhoeckii falsae					5
Officium feminis paterni	-		-		6
Semen stimulus est	-	-	-		7
Quomodo conceptio fit	-		-	-	8
Novum animal ex ovario procedit		-	-		9
Objectiones ad hanc sententiam		-	-		10
Responsiones variae	-	-	-		11
Recens genitum non a patre provenit			-		12
Alia humoris genitalis munera	-		-		13
Qua ratione formatur proles	-		-		14
Nulla creatio hodierna	-	-	-		15
Unaquaeque foetus pars simul existit			-		16
Evolutio organorum manifesta	-		-		17
Forma gradatim accedens	-		-		18
Exempla involutorum animalium		-	-		19
Vita foetus	-	-	-		20
Cum matre connexio, &c.	-		-		21
Nutrimendum et incrementum	-		-		22
Foetus immaturi descriptio	-		-		23
Uterus gravidus et partus	-		-		24
Procreatio perpetua	-	-	-		25

DISPUTATIO PHYSIOLOGICA,

INAUGURALIS,

CIRCA

Novi Genituram Animalis.

DE generatione scribo. Sed, omiffa partium ei operationi infervientium, quae in libris anatomicorum paffim reperiri poffunt, descriptione, ftatim ad phyfiologiam accedo. Illos vero, qui organa utriufque fexus descripta optant videre, ad auctores eximios fequentes mitto; ad MONROUM, a quo testis et femen, et ad HUNTERUM, a quo uterus foetusque, optime annotantur.

Inquifitio, quomodo inter generationem, novum animal formetur, longum ingenia curioforum exercuit; deque re tali mirifica multae prolatae funt opiniones; et circa formationem animalis tenelli multum diu et acriter a phyfiologis difputatum eft. Sententiae prae-

A

cipuae

cipuae ad tria capita idonee redigi queant. 1. Fautores hypothesis unius opinantur, prolem formari inter coeundum admisto utriusque parentis femine, seu humore foecundo, cujus molecule, attractione quadam chemica aut mechanica, sese in molem consociant; 2. Theoriae alius vindices existimant, progeniem in parente masculo habitare, usque dum, in uterum projecta, nidum sibi commodiorem quaerit et invenit. 3. Opinionis alius quoque assertores censent, germen quoddam imperfectum animalis immaturi in foemellae ovario semper latuisse, sed fere immobile et quasi mortuum mansurum, donec semen patris vivificans id stimulet et suscitet.

Longae ratiocinationi indulgere ad refellendas aliorum opiniones, quae meis non arrident, supervacaneum foret. Itaque ad eas rationes, ea et argumenta, quae maximam verisimilitudinem habere videntur, constituenda, statim transeo, ut sic, a rebus bene notatis et probe perspectis, verum eruatur.

In pelvi mulierum adultarum sita sunt ovaria; haecque e multorum corporum minorum compage componuntur, quae apud physiologos *ova* nuncupantur; in ovis contineri videntur primordia sobolis futurae, antequam virgo cum viro concubuerit. Eorum magnitudo prorsus est incerta, nam quae infans vix armatis, mulier facile oculis incisoris nudis, conspicua exhibet. Nonnunquam autem eadem non est semper magnitudo in eadem foemina; nam alia aliis multo sunt majora. In
puellis

puellis teneris, minima sunt et gracilia; in vetulis, durefcunt et evanescunt.

Tumor ovarum videtur effe caufa praecipua appetitus venerei; quia in furore uterino legimus, ovaria fieri praegrandia, vel aliquando eorum membranam rumpi; dum, contra, in virginibus chloroticis, illa effe tenuia et macra audimus. Eae quoque foeminae, quibus ovaria adempta funt, defectum oestri amatorii experiuntur; hinc aequum est concludere, dilatationem five amplificationem ovarum, vasorumque circa ea sparforum, foeminam instigare ad concubitum, ut ova explicentur, et ut stirps propagetur.

Ad conceptionem perficiendam, non solum debet ovarium iusta magnitudine, maturitate, fanitate frui, sed etiam caeteras omnes partes generationis omni impedimento vel obturamento oportet effe vacuas. Apertum necesse est ut sit ostium vaginae, os uteri, orificium tubae, ad accipiendum et transvehendum semen, et iterum ad reducendum et reportandum embryonem; hymen enim imperforatum, uterus obstructus, tubaque clausa, unumquodque potest omnino obstare procreationis operi. Locus igitur in quo conceptio accidit est ovarium; nam, hoc resecto, vitiato, aut ultra geniturae ictum collocato, nullum novum animal gignitur, sed perpetuo sterilitas obtinet.

Aliae probationes, quibus cogimur credere conceptionem non in utero accidere, sunt; foetus evoluti aliquando in ipso ovario crescunt; nonnunquam in tuba sistuntur et augefcunt; immo quidem in abdomine matris,

tris, placenta affixa infantem nutrit; plures etiam pulli gignuntur ovibus, et quadrupedibus uno coitu, quod nequibat fieri, nisi unus post alterum ad uterum per tubam descendisset; idem et mulieribus interdum accidit, quae postquam semel tantummodo deliciis amoris cesserant, duos vel plures infantes conceperunt.

“ Denique, directa demonstratio adest, qua certe ostendas in avibus pullum in matre fuisse; pulli enim intestinum continuatur cum vitelli involucro, et adeo intestini interior membrana cum epidermide animali, exterior cum cute, denique cum vitelli involucro, eadem est;” *Haller. Elem. Physiol. Lib. 29. § 2. Cap. 7.*

Huic argumento adjicere lubet observationes curiosas de aliis animalibus desumptas, quae haud inepte huc referri possunt. Apum, ranarum, bufonum, salamandarum, multorum piscium, ephemerarum, aliorumque animalium rudimenta foetuum, in corpore foeminae creata, tempore commodo excluduntur, et sic deponuntur, ut semen masculinum ea irroret et excitet; in his quippe conceptio, nunquam intra corpus foemellae accidit, sed post enixam prolem humor affunditur spermaticus. Ova vero ranarum, ante asperginem feminis, a minimis punctis, oculis non detegendis, tantum crescunt, ut, priusquam e cloaca excernantur, multoties molem pristinam adepti sunt; incrementum autem tale nutritionis ope perficiatur necesse est, et nequit animal nutriri nisi pergit circuitus succorum, nec moveri potest succus absque motu cordis; ergo cor movet, humores per vasa circulant, nutrimentum corpori accedit, et incrementum

tum insequitur; sed hi motus omnes tam sunt lenti, debiles, et parvi, ut periret embryo, nisi stimulus fortior *proprius* intra tempus debitum adhibeatur, qui accelerat micationes cordis, membranas involutas extendat, et vitam accendat perfectiorem.

In animalibus amphibiiis nonnullis, reperit SPALLANZANUS, foetus prius existere quam, in femellis, coitus cum mare accidisset; et embrya, idem auctor asserit, se invenisse in aliis antequam guttula masculini feminis ad ea penetraverat.

Semen bufonum, quanquam vermiculis carens, ova foecundabat; hinc manifeste patet, primordia animalis novi non a patre proficisci, et itaque theoriam LEEUWENHOECKII, ejusque affectatorum, funditus ruere. Reperiti quoque ejusdem robore vincitur illa opinio, quam BUFFONUS evulgavit; quum demonstratur, semen nullis moleculis scatens posse opus procreationis consummare.

Ex his omnibus rebus abunde liquet, vel rudimentum integrum novi animalis, vel quoddam ejus formationi necessarium, in ovario materno insidere; cujus rei optimam probationem dant corpora lutea, ibi detecta, quae numero totidem ac foetus concepti, in locis ubi ova fuerant, in matribus semper existunt. Jamque licet concludere, quod vagina, uterus, et tuba, debeant omnes esse permeabiles, et sanae, et integrae, eo ut procreetur apte feliciterque soboles.

Quanquam autem totum systema uterinum foeminis sit vegetum et bonum, quanquam aetas et valetudo, et desiderium foeminam nubilem perturbent, et operi generationis

nerationis faveant, quanquam germina ipsa, jam pullulantia, discedere ex loculamentis parata sint; tamen, nisi illis omnibus accedat auxilium virile, nisi stimulus opifer masculinus, nisi semen prolificum paternum, nunquam ad vitam perfectam excitatus fuerit embryo, nunquam evolutum erit germen, nunquam suum latibulum reliquisset homunculus.

Humor hic foecundans, in masculorum animalium testibus paratus, per vas deferens ad vesiculas feminales ascendit, inque his videtur ingredi, ubi satis magna copia collecta, et ad acta venerea virum impellit, et ictus venereos frugiferos reddit. Vel, si fortasse major quantitas quam hi sacci continent desideretur, testis ipse inter rem subagitandam liquidum spermaticum suppeditat.

Hoc de semine multas multi scriptores protulerunt opiniones; alii enim putaverunt, foetum ex eo partim, et muco materno partim, formari commisto; alii embryonem in eo natum, eque pene paterno ejectum, in uterum immitti, ubi locum sibi idoneum occupat, et nutritus magnopere crescit. Sed, antequam de hac re aliquid statuatur, decet pauca verba de quibusdam experimentis praemittere. Semen, quomodocunque ad ovum deferatur, mutationem insignem in eo concitat, motum ciet, vitam sensibilem elicit. Haec res accidit in ovario femellarum vivipararum, si semen ope instrumenti genitalis masculini eo injiciatur, quod plerumque fit, si per machinam aliam idem humor ibi
proji-

D E G E N I T U R A.

projiciatur, quem cum syringe in canem immisit cum fructu SPALLANZANUS. Idem eventus consequitur, quando semen lacertarum, ranarum, et bufonum extra corpus femellae, ova exclusa madefaceret, et irroraret. Exitus etiam haud absimilis comitatur castum piscium multorum amorem; horum enim animalium mas non sese amplexibus dedit, sed, post discessum foemellae enixae, foetus omnes partos aspergine foecundo feminis tentat solus. Quantitatem vero hujusce liquidi tam parvam esse, ut nequiret vel formare vel nutrire foetum, experimenta SPALLANZANI ingeniosa nitide commonstrant. Is enim vir guttulas paucas feminis ranini cum plurima aqua probe commiscuit, et minimam portionem hujusce misturae, quam acus cuspis potuit continere, ovis hactenus sterilibus, admovit, quae statim ad munera vitae

* Per dar vita ai girini basta una porzioncella di seme di gran lunga piu picciola di quel che avremmo immaginato giammai. Si è veduto che per avere l'intento, non è necessario che i girini intorno intorno sien bagnati di questo liquor prolifico. Ma vi è di più. *Tre grani* di seme mescolati, quando a dodici oncie d'acqua, quando a diciotto, le comunicano in ogni sua parte la virtù prolifica, conciosiacche nascono e girini in qualunque luogo dell' acqua si pongano. Converrà dunque dire che quei tre grani di seme si sieno diffusi per quel' intiero corpo d'acqua. Sebbene altri fatti comprovano egualmente la virtù prolifica del seme, malgrado un diradamento portentosamente maggiore; *Fisica Animale et Vegetabile* del Signore Abate SPALLANZANI, tom. 3. Venez. 1782. Della fecondazione artificiale, &c. Capit. 4. § 155.

vitae capeffenda fe parabant, poft talem tactum potentem, qui revera ftimulans apparet.

Igitur compertum videtur, quod nullum eft germen extra ovarium, nullus foetus qui non prius fuit germen, et nullum vivens animal cui non fuit admotus ftimulus feminis paterni; omne animal ex ovo demum proficifcitur, fed ad hunc exitum efficiendum humor prolificus mafculus eft neceffarius; Germina in feminis latentia abfque hoc nunquam evolverentur; femen fine illo, nihili valeret, in maribus paratum.

Homo non femper ad opus generationis vires poffidet. Infantes utriufque fexus nunquam procreant, admodum fenes et vetulae rarius generant. Mulieres fere intra decimum quartum et quadragefimum quintum ad hoc opus valent. Viri aetate provectione plerumque incipiunt et definunt gignere. Phaenomena illius fexus conjunctionis, qua generatur novum animal, haec funt: Mulier, cedens propenfioni naturali, aut amore legitimo allecta, maris amplexus admittit; hujus penis in vaginam immiffus, ad ejus latera fricatur, ufque dum genitalis humor ejiciatur et in uterum effundatur; hac actione, qua, turgent omnes partes quae circa penem funt, clitoris erigitur et mucus multiplicis originis effunditur, perftante, longe majores commotiones in intimis muliebrium locorum concitantur penetralibus; nam in foecundo concubitu, dum voluptas fumma fanguinem plurimum verfus uterum invitet et attrahat, femen viri tepens per fenfibilem tubam penetrat, eamque eo ftimulat, ut cruore fervido diffendatur, rubeat, et erigatur.

Statu

Statu in hoc, dum tuba rigeat, ascendit orificium ejus laciniatum, et ovario arcte applicatur, quod fimbriis suis ita comprimit, ut per membranam ejus ruptam ovum exprimatur; ovum a nexu suo avulsum tubam ingreditur, et per ejus motus peristalticos vel convulsivos sensim propellitur, donec, per totam longitudinem vectum, uterum attingit. Res ita sese habere probant incisiones animalium, quorum tubae ovarium amplectebantur; rima post conceptum in ovario reperta; foetus in ovario mulierum et belluarum detecti; analogia avium, in quibus decessio ovi ex ovario est manifestissima. Sed tamen consistendum est, verum ovum non posse conspici in quadrupedibus, nisi post diuturnum tempus; quare credere cogimur id tenue, molle, fluidumque, non posse eo tempore a muco circundante pellucido distinguere; et angustia tubae demonstrat, id esse parvum, vel nunquam per eam transivisse potuerit.

Haec omnia absolvi dicuntur, cum voluptate matris adeo exquisita, ut ad deliquium appropinquet, cum eodem tempore sentitur motus quidam internus per tubam; haec sensatio fortasse oritur ab ingressu seminis in uterum, quo certe pervenit, et a transitu per tubam, quam replevisse visum est; inde surgit gravis conclusio, quod humor virilis spermaticus tubam penetrat, quod tuba ovarium amplectitur, quod ovum inde discedit, perque tubam ad matricem descendit. Quae omnia demonstrant semen masculinum in tuba repertum, fimbriae ovario adnexae, corpus luteum post conceptionem

B

formatum,

formatum, foetusque in ovario, in abdomine, et in tuba interdum detecti.

Quid nunc dicendum est de primordio recentis animalis? Quonam a parente derivantur haec exilia rudimenta? An vero potius censendum est, prolem ex ambobus aliquid accipere? Huic opinioni plurimi favent, qui his rationibus, ut utar vocabulis clarissimi GREGORII, sententiam suam stabiliunt: ‘Primordia novi animalis ex utroque parente pariter derivari suadet similitudo parentum, vel alterius tantum vel utriusque mixta, in liberis reviviscens; ita tamen ut liberorum, qui mixtam similitudinem habent, alii ad patrem, alii magis ad matrem, inclinent, et constitutio singularis patris, vel pura renascatur in filio, vel mixta et correctata; et sic proclivitas ad multos morbos suscipiendos a parentibus in prolem transeat, aliquando nihil immutata, immo forte gravior facta, saepe vero mitior et levior, et paullatim delenda, si tanta hominum generationi impenderetur cura, quanta equis et juvenis et catulis propagandis datur. Maxima quae in genere humano observatur varietas, scilicet inter Aethiopes et Europaeos, post aliquot generationes, quatuor, ut fertur, deletur penitus, et evanescit, si mixta proles cum altero tantum genere nuptias habuerit.’

Certum est, animal ex foemina nasci, minime vero compertum est, eam id a mare accepisse; sed in multis animalibus ovum esse partem matris, atque non a patre derivari, notum est. Nam in piscibus, ranis, bufonibus, lacertis, apibus, &c. ova excluduntur absque ope,
vel

vel quidem contactu maris, qui ea solummodo semine aspergit, postquam in lucem edita sunt. Et praeterea, absque venere ova deponere aphides vidit BONNET, formica-leonem GEOFFROIUS, monoculum HALLERUS, continere cantharides VALISNERUS, parere ranas ROESEL.

Anguillae illae tenues, quae acetum et pastam farinaceam incolunt, nullius esse sexus videntur; tamen eodem et viviparae et oviparae sunt, et matres sine maribus fiunt; in illis, multisque aliis, totius generis individua animalia potestatem e suis corporibus prolem generandi habent, quam maturatam idoneo tempore pariunt. Quodcunque autem animal parit, mater est; at mater hic sine maris ope sobolem procreat; ergo progenies, non corporis paterni sed certe materni pars est, et a muliere ortum habet.

In animalibus immobilibus, ostreis, conchis, et mytilis, sexus est obscurus; haec omnia vero mera videntur continere ova, atque prolem intra sese gignere, quae non alibi potest impraegnari, ob parentem loco immobiliter fixam. Genus foemininum hic quoque capax videtur juniora animalia suis viribus procreandi; haec enim testa armata intra matrem apparere, testis est VALISNERUS.

Absque pene, sed cum organis semen masculum fecermentibus, pisces plurimi sunt, et frigida quadrupeda; iisdemque in animalibus, ova in foeminis formantur sine maris ope, et foras emittuntur; et, postquam in aqua vel in aëre, haec rudimenta collocata sint, tum demum pater affundit suum genitalem humorem.

Equidem

Equidem inter aves, anates et Gallinae ova ponunt sine galli concubitu; unde compertum est, ovum in his animalibus partem esse foeminae; sed quum haec sunt semper infoecunda, res quodammodo in dubio manebat, donec HALLERUS ea oculis lynceis perscrutatus, detexit pulli vasa et membranas sic cum vitello conjuncta conglutinataque, ut hic illius portio manifesta fuit; ab omnibus etenim conceditur, vitellum quidem in ovis subventaneis existere; vitellus vero est pars vel quasi organum pulli; ergo, ubicunque vitellus reperitur, ibidem quoque pullus adestet necesse est.

Ratio, cur non pullos emittunt talia ova incubata, haec esse videtur; quod, defectu feminis masculini, stimulus vitae maxime necessarius et apprimè accommodatus deest; quam ob rem languet tenerum animal et moritur.

Ex hisce rebus bene perpenſis et consideratis, novum animal in iis speciebus modo memoratis, primum et revera existere intra foemellae corpus, ante coitum cum mare, cogimur, vi veritatis et facti, assentire.

Exque hoc vero, gravis et valida oritur analogia, qua suademur ovum seu primordium in foeminis hominum et quadrupedum, ante concubitum, quoque existere, quod non a patre derivatum, neque e hujus femine confectum, sed antea in sinu matris formatum, in ovario latens, et ad exeundum paratum, tantummodo paroxysmum venereum et feminalem asperginem expectat, ut, ad vitam altiorem fuscitata, rapido incremento crescat.

Haec

Haec autem hypothesiſ, tam analogiae conſentanea, tam veritati ſimilis, tam naturae conveniens, ſuis difficultatibus non caret; res quaedam obſcurae eam obnubilant adeo et obſcuſcant, ut primo aſpectu vix tenebrae diſſipandae videntur. Quomodo enim explicanda eſt ea ſimilitudo quae parentes inter et infantes frequenter accidit? Qua de cauſa ſpecies animalium hybrida aliquando genita ſit? Cur etiam morbi, vel horum periculum, a parentibus ad ſobolem ſaepe tranſeat? His quaesti-
onibus ad reſpondendum, ut de eis nulla reſtent dubia, nulla maneat ſuſpicio, haud auſim dicere me parari. Sed ſi fortasſe conatus ad explicationem illarum vix omnibus penitus ſufficeret, tamen non eſt minus credendum quod ovum eſt pars corporis foemini, atque varias mirasque ſubit mutationes alias, aequae ac haec difficiles explanatu. Inter alias cauſas, tales effectus facientes, fortasſe inſignem vim habet *ſemen maſculinum*, quod certe in maribus valde efficax et potens eſt. Hic humor abſorptus e veſiculis ſeminalibus belluarum, carni omni foetorem, animae toti vitium, impertit, et corpus mortuum putredini proclive reddit. Saporem inſuavem et ingratum carni vaccarum praebet. Nauſeam et vomitum, et dentium dolores, aliasque turbas, mulieribus concitat; robur, vigorem, animum, vim viris dat idem reſorptum. Cum teſtibus ferocitatem taurus, ſaevitiam caballus, vividam mentis partem vir, amittit. Cum ſemine corpus integrum roborante, adoleſcens barbam, pubem, vocis gravitatem, laryngis mutationemque adipiſcitur; ſi igitur hoc fluidum poteſt tam inſigniter abſorptum in corpora foeminina et maſculina agere,

re, cur non etiam in embryonem insigne opus habeat ? At in prolem id egregie vim suam exercere, probant experimenta in ranas, caeteraque animalia frigida, facta. Quare non etiam in homine ? ratio, verisimilitudo, et analogia ita fuadent : Credere igitur non vereor similitudinem parentum, haereditatem morborum, genituram hybridarum, quadantenus suam originem, ab hoc fonte ducere ; unde etiam derivantur color, capillus, figura aliquatenus mutata, natorum.

Haëtenus probare conatus sum, foeminas in suis ovariiis ova continere ; haec ova esse primordia novi animalis ; semen paternum ea ad vitam stimulare, grandescque mutationes in eis efficere ; nullam esse epigenesin : Proxime restat inquirendum, quomodo embryo intra maternum corpus formatus sit ? unde ortum traxerit ? qua ratione informis materiae moles se potuisset in pulcherrimam et elegantissimam fabricam erigere ? *Fortuitum particularum concursum*, tam regularem compagem constituentem, sanus unusquisque facile respuet. Neque majore cum ratione potest de *caeca humorum attractione*, nitidam structuram componentium, loqui. Nec lucem clariorem huic rei caliginosae affundit *fermentatio intestina*, stamina primaeva disponens, de qua nonnulli putaverunt. Non cum iis consentiendum videtur, qui censent humores utriusque sexus spermaticos, *chemica mixtura* conjunctos, quasi acidum et alcali, *tertium quid* constituere. De *anima structrice* minus adhuc intelligitur, quae proculdubio impar est ad tale opus magnificum capeßendum perficiendumque. Quod

ad

ad *modulos interiores*, quos ad suum auxilium alii, totius rei ignari, invocarunt, illi solummodo pro ludis imaginationis vividae sunt habendi. Mihi autem, ea qua possum tota cura et diligentia cogitanti, quomodo materia inorganica, relicta conditione exanimi, naturam vitalem arriperet, comprehensio operis clara defuit; cum enim considerarem quod e tenera massa, fluida materie, informive gelatina, animal validum, robustum, pulchrumque formaretur, quod membris et organis instructum suis finibus sapienter accommodatis, legibus omni humana arte, omni geometria, perfectioribus regeretur, Deo, cui nihil difficile est, tale opus tribuere haud potui recusare.

Nullam novam fieri animalium creationem, hodierno die, sed tantum evolutionem germinum prisco tempore formatorum, multae considerationes, earumque plures haud dubiae evincunt. Imprimis itaque, ad quaestionem rite dirimendam de perpetua involutione germinum, quae per tot saecula elapsa, matres, continuata serie, filiabus suis dederunt, transeundum est. Ei qui hanc rem primo aspectu difficilem, ac plane impossibilem apparentem, debita attentione examinabit, nihil dubito quin dubitationum dissipatio accidet; membra, organa, partes omnes foetus, eo ordine nitido, eaque structura perfecta, sese oculis indagatoris exhibent, ut nequeat idem censere hunc artum, hocve viscus, ante aut post caetera subnasci, sed cogetur consentire totius corporis stamina primaeva simul formari. Multa enim sola pelluciditas foetus tenerrimi velat, quae color
postea

postea additus non generat, sed oculo praebet manifestiora ; et satis plane apparet, eas partes, quae adjungi et accrescere foetui post conceptionem videbantur, non denuo formari, sed antiquitus molles, exiles, decolores extitisse ; eae enim partes quae, propter pelluciditatem, aciei visus non patent, possunt coactae alcohole facile conspici. Unde oritur opinio verisimillima, quod embryo, in germine intra ovarium incluso, latens, ibi longum tempus permanisset, informis, immobilis, torpidus, donec propensio lasciva materna primo debilem, et semen foecundans paternum postea fortiolem, vitam eidem conciliaverit ; hoc autem adeo est parcum, ut mole augendae, aut nutrimento praebendo, nequaquam sufficeret, sed potius stimulum *specialem* corculo ejus admovet, quod deinde vascula complexa paulatim, influxu humoris per canales explicet, organa involuta vi distendente evolvat, totum corpus ordine et modo comodo nutritioni et incremento disponat, et calori sensibile reddat.

Si autem unumquodque membrum et organum in foetu tenerrimo, priusquam ob pelluciditatem seu exiguitatem aspici posset, existat, ovaria, ova, omnemque prolem futuram in singula foemina quoque contineri, necesse est ; haec et involutio per omnem generationum seriem eo usque perget, donec exhausta germinum refertorum vi et abundantia, non amplius produci potest animalium propagatio. Ne vero terreatur animus ejus, qui hanc opinionem audiat, neve progressionem concatenatam animantium procreatorum infidus neget ; nam

haec

haec perpetua et indefinens evolutio est et possibilis et probabilis, ut ex sequentibus observationibus fati con-
tabit.

Primam et simplicem formam involutionis dant in-
secta quaedam, quorum phases et mutationes variae e-
volutionem manifestam comitantur; ut in locustis, pha-
enais, papilionibus, et bombycibus est videre, quarum
unicis et membranis cingentibus exutis, statim expli-
atur et evolvitur novum animal. Conditionem mus-
carum et formicarum haud esse absimilem, *quarum*
perfectum animal in imperfecto latet, clari viri dixerunt.

Neque haec in solis insectis sunt inventa: Nam HAL-
LERUS invenit, per continua experimenta, pullum gal-
linaceum fuisse informe ad oculum genus vermiculi;
eius incredibilis molis hernia de intestino exeunte, ro-
stri vero nullo vestigio, neque artuum, neque viscerum,
neque cordis quidem. Id autem rude animal circa horam
quadragesimam octavam cor habere, quando color ac-
cessit, conspicuum; et sic ex ordine oculos hora 49, he-
par h. 102, fellis vesiculam h. 192, renes h. 142, ven-
triculum h. 138, intestina quoque et demum pulmones
h. 138, apparere, non quia prius nulli fuerint, sed
quod pellucidos limites non haberent definitos. Ita
cor quoque sub initia incubationis unicam auriculam,
ventriculum unicum, habere, et aortae bulbum, et cana-
lem qui in auriculas ducit. Per continuas et lentas
actenus mutationes, id cor fieri bivaure, digastricum,
absque canali auriculari, absque vesicula aortae. Dein-
de artus ad corpusculum foetus multo glutine adductos

educi, inque ossa, et demum in digitos findi, rostrum subnasci utrumque, &c. &c.

In quadrupedibus, res fere ac in avibus accidunt, et gradatim formam regularem, et figuram magis organicam, embryo acquirit. Evolutio item similis nostrae speciei contingit, atque foetus, rudis, tener, et brutus paulatim suam partium compositionem, artuum nexum, corporis totius proportionem, adipiscitur.

Quibus ex omnibus haec oritur conclusio, quod animalculum id quod sine sensu, motu voluntario, artibus, partiumque discrimine, in sinu materno jacebat, per varios gradus pedetentim perfectum, mutatur in animal sponte se movens, sensationibus gaudens, cibum devorans, pulchritudinem possidens; quanquam autem omnis portio recentis evoluti animalculi mollis et quasi fluida sit, non inde sequitur opinio, quod non organicum esset rudimentum, sed contra fluidum cerebrum, fluidi nervi, fluida caro, fluida viscera, omnia eodem tempore prorsus organica fuisse concedendum est, et fabricata.

Nulla ergo pars corporis geniti alii antecedit, sed omnes simul creatae existunt; omnisque pars, quae sensum e statu invisibili emergere videtur, *non ex inerti materie in vitalem, sed ex informi in pulchram transit*; quamobrem, epigenesi repudiata, ad evolutionem illustrandum appropinquo. Hic vero decet citare verba aliquot viri sagacis et periti, quae secum gravissimam auctoritatem ferunt. “Sed ipse,” inquit HALLERUS, “ante hos viginti annos, ante meam ovorum et quadrupedum

pedum praegnantium frequentem observationem, eo argumento olim sum usus, multum foetum a perfecto animale distare; neque ergo in primordiis novi animalis eas reperiri partes, quae sunt in eodem nunc perfecto, manifesto nunc agnovi, eadem omnia pro evolutione esse argumenta, quae contra eam produxi.”

In *volvoce*, involutio oculis nudis detegitur, ubi foetus formati includuntur, usque ad quintam progeniem, testante LINNÆO.

Aphides virgines, sine contactu maris, pullos edunt; nam a copula parentum, filiae, neptes, proneptes, abneptes omnes gravidae fiunt; quae conceptio vix accidisse potuit, nisi haec tota proles longum tempus ante partum existeret. Eadem insecta etiam in aestate sunt vivipara, in autumno ovipara; unde mihi persuasum est, pullos animalium viviparorum intra ova fuisse oclusos, et ovaria eorundem vera continere ova. Haec observatio robur adjunctum habet, ex eo quod de lacertis quibusdam dicitur, nonnunquam ova, interdum foetus, parientibus.

Ex hac igitur hypothese, omnia animalia olim in initio rerum fuisse creata, in ovariis pristinorum matrum deposita; ab eis, filiabus suis ordine indefinente tradita; hinc a latibulis suis tempore commodo evoluta; vitae quasi scintillam *turgescentia venerea materna* imprimis esse excitatam; deinde *stimulo seminis paterni* ulterius suscitatum; postremo, ope caloris, nutrimenti, &c. in flammam lucidam accensam, comperitur.

Dum

Dum foetus per secula transita in ovario suam sedem absconditam teneret, vix vivum fuisse, sed potius vitae capacem puto; quum autem salire et motum suscipere cor incipiat, *utervis de causa*, tum vitam revera adesse censeo. Foetum nunc, perstante oestro venereo, in uterum deductum, jam vivere et libere movere reor. In quo foetum perventum, ovoque inclusum, aliquod tempus libere sine adhaesione movere, etsi nunquam viderim, suspicor; postea, tempore incerto vero, villos et flocculos vasis abundantes, undique agit ovum, quorum absorbentia humorem circundantem inhauriunt, et e succo uterino alimentum sumunt; deinde ovum, incrementum sic adeptum, adeo crescit, ut uterum angustum impleat, et juxta mensem graviditatis secundum, ex eo ovi latere, quod fundo matricis adversum opponitur, ope materiae vasculosae ex loco irritato effusae, haud ei abfimilis quae ex visceribus inflammatis exundans ea conglutinat, formatur placenta, cujus vasa utriusque generis commercium liberum inter parentem et prolem aperiunt. Membrae nunc, tres foetum circundant, chorion, pseudallantois, et amnios conspicuae, humore plurimo natantem, sicut, quo propior sit sui origini, eo uberior pro ratione foetus sit hicce latex; nam, cum foetus non major esset quam formica, unciae tres et quatuor fuerunt; attamen tertio mense creditur foetus pondus, pondus superare humoris, in quo continetur. Viae per quas is ingreditur haecenus vel latent, vel minus accurate deteguntur; nonnulli opinantur, eum per chorion, et mediam membranam in
amnion

annion transfudare, vel per placentam stillare; alii putant eundem ex annio effundi, cujus vasa in vaccis possunt detegi, a foetu, non a matre, exorsa.

De modo, quo foetus suum alimentum obtinet, inter physiologos haud parva lis est; hi nempe id a liquore annii derivari, cum verisimilitudine magna asseruerunt; illi vero foetum per os, dum in utero latet, nutriri acriter negaverunt; fortasse ambo inter disceptandum nimia pertinacia suis opinionibus adhaeserunt; nam quamvis foetus sine oribus et anis editi demonstrant satis nutrimenti per funem umbilicalem advehi, tamen non est negandum liquorem annii, indole alibili, in ventriculum descendere, exindeque resorberi.

Per funiculum vero praecipuum intercedit commercium inter matrem et foetum, et ille inter primas partes annumeratur, quae evolvuntur. Per illius venam sanguis e placenta, fortasse maternus, fortasse suus, purus, ad foetum circulat; et per illius arterias sanguis infantilis ad placentam redit, ut commutatus, commistus, vel dephlogisticatus, usui proprio accommodetur, licet multae res circa hanc circulationem incognitae nos ambigere cogunt; tamen conjicere lubet, placentam, quodammodo sanguinem matris percolare, et foetus a phlogisto depurgare.

Sic pastum materia alibili, calore modico fctum, humore blando immersum, augmentum indies acquirit recens genitum animal; artus pullulant, symmetria subnascitur. Nam gelatina ea, quae nuper tam erat informis, ut nullam partem ab altera distinguere potueris,
mutata

mutata specie, fenſim formam novam induit: Cor nempe, ibi occultum, vaſa prius latentia, caput ac crates dorſalis antea celata, apparere incipiunt; et paulatim, viſcera et reliqua organa, pellucido muco ſimillima, ſimiliter ibidem teſta, proculdubio ſe viſui offerunt; quae quidem citius ordine naturali conſpici queant, ſi, alcohole affuſo, maſſa gelatinofa coaguletur. Poſtea, nactum molem et ſoliditatem corpus, vires, robur, et molem obtinere pergit; at haecenus humores omnes mites, aquoſi, et inſipidi ſunt; et indoles cuique, tempore idoneo, ſecundum naturae legem, advenit, alii cito ut ſucco gaſtrico, alii tarde ut ſemini; hac etiam in aetate, partes fluidae multum firmas ſuperant, quia oſſa nondum formantur, neque terrenae materiei ſatis adest, ad ea conficienda.

Omnia autem organorum perfectiſſimum eſt cor, quod primum mobile, et irritabile, micationes per vitam perſtaturas, labore indefeſſo, inchoatas continuat, et celerrimo motu ſe contrahat. Cerebrum eſt grande, at fluidum; vaſa, juxta dorſum apparentia, non per totam longitudinem excavantur, ſed cordi ſunt proxima; jamque muſculi irritabiles, cartilagineſ duriores, viſcera manifeſtiora, membra auctiora deveniunt.

Incrementum foetus in primis diebus valde eſt rapidum, ut ex inſigni pulli augmento, judicari poteſt, cujus longitudo, die vigefimo ſecundo, cum longitudine diei primi, eſt quaſi, computante HALLERO, 1,000,000 ad 1; hujus fortaffe ratio, ex corde majore et magis irritabili, ex partibus mucoſis et facile diſtenſilibus, eſt petenda.

Tum

Tum testes a regione renali per foramina abdominalia ad scrotum descendunt; tum thorax costis firmis circumvallatur; tum muscoli, actionis capaces, vim suam adhibentes, cartilagines varie flectunt et configurant. Huc usque erat, et adhuc est praegrande caput, quod nunc lentius crescit, dum partes extremae inferiores, influxu sanguinis aucto, celeriter auferuntur.

Is mucus vel gelatina, quae olim in materiam firmam coevertat, durescere pergit; ex hac cartilago formatur; et denique fibrae osseae per eam obrepere incipiunt, quae, e diversis centrīs exeuntes, tandem concurrentes coalescunt, et os solidum efficiunt.

Ita quotidie crescens foetus maturitati adpropinquat; illius ante hoc tempus, talis fere descriptio est; caput grande, passim membranaceum, alibi cartilagineum, nonnunquam osseum; ore profunde fisso, et longis maxillis cum dentium rudimentis ibi infixis; cerebrum vel fluidum vel molle, nunquam firmum, magnum cum magna nerveae materiei portione; oculi ingentes, eorumque pupillam membrana claudens; pectus angustum, breve ob contractos pulmones, facile tamen expansum; hepar grande, abdomen amplum; bilis mitis, vixque amara; intestina irritabilia, et meconium continentia; renes in lobulos divisi multos; capsulae atrabilariae largae; pelvis minima, neque vesicae ovariorum tubarumque capax; instrumenta genitalia nondum evoluta, sed exigua, suosque succos haud secernentia; glandulae omnes conglobatae magnae, et humore seroso plene.

Cutis

Cutis pellucida, flaccida, mollissima, et unguento sebaceo illita; tendines succulenti, molles, vixque adhuc nitentes; thymus glans in mediaſtini cavea ſitus, magnam pectoris tenens partem; pars magna ſanguinis a pulmone averſa, qui non adhuc ſatis eſt evolutus ad eum recipiendum, pellitur per ductum arterioſum in arteriam aortam; poſtea hæud parca quantitas ab aorta per arterias umbilicales in placentam adigitur; indeque, per venam umbilicalem rediens, partim in veram cavam, per ductum venoſum, in jecur ipſum urgetur, et poſt circuitum, per hoc organum, perfectum, tandem in cavam et auriculam cordis anteriorem regreditur. Apertum foramen ovale tertiam ſanguinis euntis tranſmittere creditur portionem.

His omnibus progredientibus, uterus, ovum continens et alens, cum ejus incremento intumeſcit. Os uteri coarctatur vel pene clauditur. Haemorrhoea menſtrualis definit; uterus in abdomen, comprimens vaſa iliaca, aortam, venam cavam, ventriculum, inteſtina tenuia et craſſa adſcendit, et novus hoſpes ſuis incrementis matri eſt valde moleſtus; pariter cervix uteri creſcit, et longior fit; incommoda varia adeo mulierem gravidam affligunt, et angunt, ut demum moleſtia, inquietudo, dolor, et cruciatus non longius tolerari poſſunt; iidem ita eam afficiunt, ut onus intolerabile, totis viribus, foras illa expellat; quod quidem poſt luſtus et nixus violentos, ex utero eliminatur, a nexu ſolvitur, ad auras educitur, et novum vitæ genus ſtatim inchoat.

Sic

Sic absolvitur opus illud geniturae mirum, quo fit ut, dum omnia animalia fenescunt et pereunt, stirps infinita ferie gigni pergat; ut singulae animantium species progeniem sui similem indefessa cura procreent; ut inter clades, calamitates, stragesque, quibus mortales subjici-mur, perpetuo nascatur proles innumera, qua terra ha-bitabilis usque ad finem seculorum colatur.



Coronidem opusculo imposituro, mihi nunc incumbit, ut hanc occasionem, quantum Praeceptoribus meis egregiis sum devinctus profitendi, gratus assumerem; vos igitur, Professores Edinenses eruditi, ob plurima praecepta sagacia, gratias discipuli accipite sinceras. Tibique, NICOLAE ROMAYNE, M. D. et P. amicitiae tuae animus bene memor, hoc testimonium tribuit; atque tui, RICARDE BAYLEY, quam laete recordatur, publice benevolus confitetur.

